

**FUNDARGERÐ SVEITARSTJÓRNAR**

Þriðjudaginn 27. janúar 2009 var fundur haldinn í sveitarstjórn Skagastrandar kl 8<sup>00</sup> á skrifstofu sveitarfélagsins.

Á fundinn voru mætt: Adolf H. Berndsen, Birna Sveinsdóttir, Halldór G. Ólafsson, Sigríður Gestsdóttir, Erla Jónsdóttir og Magnús B. Jónsson.

Adolf H. Berndsen, oddviti setti fundinn og stjórnaði honum.

**1. Fjárhagsáætlun 2009**

Fyrir fundinum lá tillaga að fjárhagsáætlun 2009 til seinni umræðu. Niðurstaða áætlunarinnar 4.453 þús. jákvæð niðurstaða rekstraráætlunar. Í sjóðstreymi er gert ráð fyrir að veltufé frá rekstri samstæðu nemi 42.8 milljónum. Þá er í sjóðstreymi gert ráð fyrir 35.3 milljón kr. fjárfestingum á árinu. Samtals er gert ráð fyrir að afborganir lána nemi 20 milljónum króna. Lækkun á handbæru fé nemur 10.1 milljón kr.

*Sigríður og Erla lögðu fram svohljóðandi bókun:*

Undirritaðar vilja benda á alvarlegt ástand í rekstri sveitarfélagsins þar sem gert er ráð fyrir að þurfa að nýta allar þær fjármagnstekjur sveitarfélagsins til þess að standa undir rekstri eða 69 af þeim 73 milljónum sem áætlaðar eru á árinu. Til að standa undir afborgunum og framkvæmdum á árinu þarf því að ganga á sjóðseign sveitarfélagsins. Þar sem hvorki er hægt að reikna með betra árferði né jafngóðum vaxtatekjum á næstu árum er því ljóst að með óbreyttum rekstri sveitarfélagsins verður um hallarekstur að ræða því þessi áætlun gengur út á að fresta öllum útgjöldum sem hægt er. Við teljum því enn brýnna en áður að ráðast í hagræðingaraðgerðir til að komast frekar hjá því að þurfa að skerða þjónustu sveitarfélagsins síðar. Jafnframt teljum við að sveitarfélagið þurfi að sýna frekara frumkvæði í atvinnumálum. Það er ljóst að endurskoða þarf áætlunina á vordögum og gerum við því ráð fyrir að sveitarstjórnin nýti tímann vel og fari yfir alla möguleika til hagræðingar í rekstri. Við lítum því á þessa áætlun aðeins fram á vor og veitum henni sem slíkri okkar samþykki.

*Adolf, Birna og Halldór lögðu fram svohljóðandi bókun:*

Fyrir liggur að allt rekstrarumhverfi sveitarfélaga hefur gjörbreyst á undanföllum mánuðum. Meirihluti sveitarstjórnar gerir sér grein fyrir þessari stöðu. Því er ljóst að flest sveitarfélög landsins munu þurfa að endurskoða fjárhagsáætlanir á vordögum. Í fjárhagsáætlun 2009 er ekki dregið úr neinni grunnþjónustu, laun eru ekki lækkuð og gjaldskrárhækkunum haldið í algjöru lágmarki. Fjárfestingar á árinu eru áætlaðar um 35 milljónir og miðast flestar við að vera vinnuafsls frekar. Veltufé frá rekstri samstæðu er 42.8 millj. kr. sem er mjög viðunandi við þessar aðstæður. Í vinnu við gerð fjárhagsáætlunar komu engar beinar tillögur fram frá minnihluta sveitarstjórnar um sparnað eða aðhald í rekstri. Staða Sveitarfélagsins Skagastrandar er sterk til að takast á við þá erfiðu tíma sem óhjákvæmilega eru framundan.

*Sigríður og Erla óskuðu bókað:*

Minnihlutinn hefur frá upphafi bent á brýna nauðsyn þess að leita hagræðingar í rekstri og hefur átt frumkvæði að slíkri umræðu reglulega án bókunar. Við viljum ítreka fyrri

bókun okkar um að nýta tímann vel fram á vor, hagræðing þarf ekki að tákna skerðingu á þjónustu.

Fjárhagsáætlunin var borin upp og samþykkt samhljóða.

## 2. Bréf:

a) *Farskólans dags. 22. janúar 2009.*

Í bréfinu er gerð grein fyrir helstu verkefnum skólans og óskað eftir áframhaldandi stuðningi vegna rekstrar skólans á árinu 2009.

Erindið var samþykkt með vísan til afgreiðslu fjárhagsáætlunar.

b) *Sturlu Böðvarssonar forseta Alþingis, dags. 1. desember 2008.*

Bréfið er svar menntamálaráðherra við erindum sveitarstjórnarmanna við þingmenn kjördæmisins um að fresta gildistöku nýrra laga um leik- og grunnskóla. Í svarinu kemur fram að fyrirhugað er að koma á fót starfshópi til að leggja mat á kostnaðaráhrif laganna.

Bréfið var til kynningar.

c) *Heilbrigðisráðuneytisins, dags. 7. janúar 2009.*

Með bréfinu eru kynnt áform um sameiningu heilbrigðisstofnana og kemur m.a. fram að áður áformaðar sameiningar sem ákveðnar voru með reglugerð 764/2008 hafi verið endurskoðaðar í ljósi efnahagsástands í þjóðfélaginu. Heilbrigðisráðherra hafi því tekið ákvörðun um að stefna m.a. að því að undir nafninu Heilbrigðisstofnun Norðurlands sameinist eftirtaldar stofnanir:

1. Heilbrigðisstofnunin Blönduósi.
2. Heilbrigðisstofnunin Sauðárkróki.
3. Sjúkrahúsið Akureyri.
4. Heilsugæslustöðin á Akureyri.
5. Heilbrigðisstofnun Þingeyinga.
6. Heilbrigðisstofnunin Siglufirði.
7. Heilsugæslustöðin Dalvík.
8. Heilsugæslustöðin Ólafsfirði.

Auk þessa er í bréfinu gerð grein fyrir áformuðum sameiningum í öðrum landshlutum.

*Sveitarstjórn samþykkti svohljóðandi bókun um málið:*

Sveitarstjórn Skagastrandar lýsir áhyggjum yfir því að heilbrigðisráðherra hafði ekki meira samráð en raun bar vitni við heimamenn um þær breytingar sem kynntar hafa verið á starfsemi heilbrigðisstofnana víða um land. Mjög brýnt er að sú grunnþjónusta sem verið hefur í A-Húnavatnssýslu skerðist ekki frá því sem verði hefur. Sveitarstjórn krefst þess að heilbrigðisyfirvöld tryggi að svo verði ekki.

d) *Framkvæmdastjóra SSNV, dags. 5. janúar 2009.*

Með bréfinu er boðað til 17. ársþings SSNV dagana 24. – 25. apríl 2009.

Bréfið var til kynningar.

e) *Landsskrifstofu Staðardagskrár 21, dags. 20. janúar 2009.*

Í bréfinu kemur fram að sveitarfélaginu bjóðist að taka þátt í tilraunaverkefni um að samþætta Staðardagskrá 21 og aðalskipulag og kemur m.a. fram að óski sveitarstjórn eftir að taka þátt í því þurfi að kjósa þriggja manna nefnd sem hafi það hlutverk að samþætta skipulagið og Staðardagskra 21.

Samþykkt að skipa eftirtalda í verkefnisstjórnina:  
Birna Sveinsdóttir, Magnús B. Jónsson og Róbert F. Gunnarsson.

### **3. Fundargerðir**

a) Fræðslunefndar, 21. janúar 2009.  
Fundargerðin var samþykkt.

b) Stjórnar Samtaka sveitarfélaga á Norðurlandi vestra, 14. janúar 2009.  
Fundargerðin var til kynningar.

### **4. Önnur mál.**

Fyrir var tekið hvort sveitarfélagið verði þátttakandi í svokölluðum Húnavetnskum dögum sem haldnir verða í Reykjavík í mars.

Samþykkt styðja við verkefnið með 100 þús. kr.

Fleira ekki tekið fyrir fundi slitið kl. 10<sup>15</sup>

Adolf H. Berndsen

Birna Sveinsdóttir,

Halldór G. Ólafsson

Sigríður Gestsdóttir

Erla Jónsdóttir

Magnús B. Jónsson.